

Quand je te voy seule assise à par-toy

Toute amusée avecques ta pensée,

Un peu la teste encontre bas baissée,

Te retirant du vulgaire et de moy :

Je veux souvent pour rompre ton esmoy,

Te saluer, mais ma voix offensée,

De trop de peur se retient amassée

Dedans la bouche, et me laisse tout coy.

Souffrir ne puis les rayons de ta veuë :

Craintive au corps, mon ame tremble esmeuë :

Langue ne voix ne font leur action :

Seuls mes souspirs, seul mon triste visage

Parlent pour moy, et telle passion

De mon amour donne assez tesmoignage.

Pierre de Ronsard (1524–1585)

